

梅亭先生四六標準

梅亭先生四六標準

十

梅亭先生內木標準卷之三十一

教官

通武岡陳教授震

造託湘流疑已就碧油之幙延緣巫水乃聞還絳
帳之紗愧執訊之已稽盍通名而告至恭惟某官
學探千載文擅一家聲摩殿前皆三誦阿房之賦
禮羅幙下顧載歌泮水之詩茲聞交章行即臨觀
紫皇好學正爾恢天網之收黃閣招賢會兩斷露
門之講州縣徒勞人耳將相寧有種乎某垂老無
聞甚愚不肖向者誨諸生於館下要是牛溲茲焉

試別駕之治中亦非驥足不曰丞哉之余負亦惟
善者之吾師儻諧半面之期亦勝交臂之失監州
無蠲恐非直杯水之官廣文有羶幸或作數旬之客

回武岡連教授

嶠

補黔中之上佐問字茫然聞稷下之諸生迎師幸
甚未皇執訊先辱鳴謙恭惟某官正學純明懿文
炳蔚一門三秀聯翩千佛之題六館十年卓犖諸
儒之唱碩棲鸞於矮屋又繫馬於堂階君子所樂
三在得英材而教育天下達道五正須師席之琢
磨佇令巫水之礪咸識沂風之詠遄班玉筍遂講

金華某典午非材同寅何幸君來重席底虞坐客
之無彊丞未全聾尚聽講經之有筭

回武岡何教授

老形既具久欲挂神武之冠族姓未寒幸不冷廣
文之席有來雙鯉如對三鱣恭惟某官挺特令名
飛騰茂實園橋策足振鬣先登方策蟠曾摘髭獨
晚邂逅泮林之集頡頑蓬島之游某急景凋年閑
官窘步閑蕃於六館之空舍其亦有施乎識堅也
十年爲故人將賀其鳴已

回白教授

西中

舉爾所知期不辱賢材之實與我共理亦惟賴庠
序之申何勤謙撝更加巽謝恭惟某官器能庸敏
學問純明問一得三子職早深於學禮唱五作六
甲科共俟於爲郎茲暫憩於冷蘊合亟膺於溫綽
某愛莫之助情見乎辭繫馬堦前切勿羨諸公之
袞袞嚙鱸堂上正須效夫子之循循

回白教授

法從舉賢真誠知人矣廣文道謝何爲至我哉靖
惟暗中摸索之明何待送上吹噓之助恭惟某官
器中瑚璉行存宮庭蒙求我而我匪求蒙識其大

者學優仕而仕則優學人自即之是宜四牡之章
不待雙魚之請某初無寸力過辱尺牋上臣事君
以人斯爲可賀貪天之功爲己則不敢知

回白教授

下車聞庠序之教亟欲引賢積閱限銓選之文甫
能剡奏是亦公舉何費屬辭恭惟某官行無疵瑕
學有源委繫堂下之馬安能鬱鬱以久居釣海上
之鰲行即飄飄而高舉聊助鼓旗之譟何勤珠壁
之投某愛莫助之顏之厚矣引鼎不程其力聊復
露章推轂有味其言更祈強學

回白教授

二毛五馬詎知千騎之榮尺素雙魚倏拜三鱣之
辱未能先施敢缺報章恭惟某官武安故家文公
宿學丁年出使便入對天子之庭甲科爲郎何至
落諸侯之客佇由芹水徑上蓬山某濫領斗州又
捫井絡杜陵十暑復重尋流汗之炎范叔一寒行
可伴無羶之冷其爲欣幸曷旣鋪茶

代回王教授

同

八公同辰推薦賢之轂一第溷子寒坐客之羶輒
用名聞何勤私謝恭惟某官學省佳士詞場雋人

何蕃貌不任其心而行焯焯仲舒言有補於世其
對洋洋鶚旣集於泮林鳳當巢於阿閣平昌足信
況有李翱之言翁歸不私何害山陽之託吾徒得
君重耳子亦來見我乎某過辱臨存更勤賁况鳧
甘泉之八十一乘殊愧所蒙登凌煙者二十四人
更期自勉

回漢州劉教授

大川

生日

鴈塔聯名料有感屏中之鶴鯉庭真饋何足惠堂
下之鱸或承之羞不忘所賀恭惟某官世家政駿
鄉友卿雲舊憶杏園同走馬看花之賞近懷蘭省

共號食蟲爆竹之吟揆余度之余名俾爾耆耄而爾壽
君子之言信有證既正而葩我生之初尚無爲其
何能穀某恭承嘉惠倍感故情避蓋公之堂願安
承教推鄭莊之轂但懼罔功

梅亭先生四六標準卷之三十一

梅亭先生四六標準卷之三十二

州官

通宋簽判億

赴寧鄉簿作

一官走俗拍囊粟以媚飢千里懷賢望嶺梅而傾
渴將爲半面之張本請先三枝以修辭恭惟某官
天韻浚明風華膚敏不自多其閥閱必身致於功
名鳳覽德輝下之則宜巢閣麟爲聖人出也而乃
在郊自古多才莫若湖南之賓客得公爲重兄空
冀北之士夫無久紅蓮之依恐有青藜之照某偶
逃飲墨遂得勾朱仕有時乎爲貧惟會計當而已

矣學然後知不足願教誨式穀似之

通臨安趙簽判

崇寔

天府元僚亦旣入芙蓉之幕冰臺末屬何幸託桃李之場謂已納交遂忘執贄敢圖銜袖之禮適重歛衽之慙恭惟某官卓爾宗英濟之世美平氏之與韋氏僅聞閥閱之傳周公之謂魯公宜襲勲勞之舊俯試一同之治迄騰三異之聲故國蓋有世臣藉未取苴茅之賞他人不如同姓自應聯棠棣之輝顧甘僉舍之勞來借神臯之潤雲飛川泳是爲近咫尺之天海運風搏行即擊三千之水某濫

塵吏底缺效恭先倒着白接籬所愧反躬之未稱
報之青王案更慙出吻之無奇

回費簽判

易地借材詰朝入幕遷于喬木可見主人之相知
陟彼高岡良勞君子之于役恭惟某官典刑勝士
文獻故家子弟欲其自佳不顯亦世公侯必復其
始無競維人暫茲泛綠以依紅行矣紆青而拖紫
某濫乘一障正窘百罹忻聞主畫之良將有蒙成
之託集思廣益何幸承賢者之來同寅協恭所望
有忠焉之誨

回史僉判

文寄

謝饋遺

某辱講歲饋見貺風宜口腹之奉累人難鯉盤之
牢拒綵繡之光翻坐盍鯨錦之卷還未寓投桃報
李之誠且舉受殮返璧之義願無再遣必亮寸忱

回史僉判

文寄

一麾出守遠從戎於安南同官爲寮幸留良於異
北有勤下問尤佩高情伏惟某官業茂家傳美專
卅濟人人宗眉山之學維其有之字字出史籀之
餘由來久矣茲屈糟丘之隱且兼冰幕之游衆皆
醉而我獨醒是亦爲政人有酒而身無事定不廢

書某一障之乘再鼓甚淡思元賓而不見良忻子
弟之自佳待崔羣以相親尚幸友朋之責善

回權僉判李司法

申子

被命帥連屈參郡畫聞風已久幸分鄰壁之光易
地此來良覺賓筵之重恭惟某官蟠根奕葉騰茂
飛英古錦爲囊非尾棺之奇詭飛霞有佩足金薤
之光芒胡爲繡節之家猶屈墨曹之掾取青螭白
諒必工進取之文沆綠依紅何足留軒騰之步此
州斗絕每事冰寒茲乃得君子之寮必能圖仁人
之利某強顏乘障束手面墻倒屣相迎何幸一賢

之入幕同舟共濟庶無百姓之填溝

回權僉判李司法

申子

比沐袖賤已感再三之意茲承枝籀又貽四六之
文良感勞謙亦幾迷復恭惟某官臨邛重客成紀故
家仲元在夷惠之間席珍審矣太白落荒渝之上
袍錦謂何如聞飽曲禮之三千今復採直筆之數
萬大廷奉天人之問固利春秋廣殿對日月之明
令條禮樂拾芥不難於取紫泛蓮寧久於依紅肯
爲某來徒得君重某濫茲主畫正爾蒙成三重三
沐之初何俟於三語同姓同業也固有望於同寅

回郭僉判

仲洪

偏城假守凜震末路之難貳郡得賢折託初筵之
重未皇注記先辱飛牋恭惟某官學富家傳美優
世濟林宗砥礪之節壯若山淵子儀金石之忠貫
於日月其在遙遙之胄諒餘挺挺之風四國于蕃
寧止三令尹而無喜五年湏暇顧方半刺史而同
流惟時三榮強號一郭蠱小有悔无咎尚可爬梳
井居其所而遷竟難回幹求牧與芻而不得無麵
造餅之滋難何幸別駕之來將賴同舟之助相勉
以忠義宜兩家子弟之通知衆望爲神仙詎千載